

Pressecommuniqué : Invitatioun op d' « Rendez-Vous de l'UNESCO »

2021 invitéieren d'Lëtzebuerger UNESCO-Kommissioun an d'Nationalbibliothék op e Konferenzzyklus am Kader vun « Les Rendez-Vous de l'UNESCO ».

Thema dëst Joer ass:

«Mankind and Media. Rethinking the Roles in the Age of Information»

An deene leschte Joren ass et méi wéi däitlech ginn: Mir sinn op di digital Informatiounsverméttlung ugewisen. Alles steet a fält mat schneller Dateveraarbechtung a performante Servicer fir de Client: méi Daten, méi Informatiounen, méi Connectivitéit. Mee hu mir iwwerhaupt nach d'Iwwersiicht, iwwert dat, wat di digital Medien aus Informatiounen maachen? Wou steet de Mënsch ugesiichts vu sech exponentiell entwéckelenden Technologien, kënschtlecher Intelligenz an dem Handel mat eisen Daten? Wie steet um Ursprung vun der Informatioun, a wie beaflosst, wéi mir se interpretéieren?

D'Konferenze ginn aus verschiddene Perspektiven un dës Froen erun. Den Optakt mécht de 25. Februar de Prof. Dr. Christoph Schommer (uni.lu), deen d'Fro stellt: *Künstliche Intelligenz: Wo stehen wir?* an dobäi Méiglechkeete, Chancen an d'Risiko vun deenen neien Technologie beschwätzt. Den 22. Abrëll sëtzen 4 Journalisten ëm een Dësch, a froen ënnert der Moderatioun vum Josée Hansen, wat aus objektiver Informatiounsiwwerméttlung an Zäite vu Fake News a Click Bait ginn ass. Den 1. Juli weist d'Dr. Manuela di Franco wéi Comics dozou benotzt goufen a ginn, fir Informatiounen a Wäerter ënnerschwelleg ze verbreedden. Den 30. September ënnert sech de Ian de Toffoli mam Prof. Lukas Sosoe iwwert di ethesch Problemer a Grenzen, déi et och an der digitaler Welt gi muss. Datt de Medium Konscht och Message vermëttelt, deem dierften déi 4 Artisten, déi den 2. Dezember an eiser ofschléissender Ronn ënnert der Moderatioun vum Nora Schleich zu Wuert kommen, all zoustëmmen. Wat fir eng Verbindung besteet tëschent artistescher Fräiheet a fräier Meenungsäusserung? Wat dierf a muss Konscht?

D'Nationalbibliothék amenagéiert fir dës fënnef Owender, déi all Kéiers Donneschdes Owes um 19h00 stattfannen, ee grouse Raum, sou dat d'Konferenzen a physescher Presenz an am Respekt vun de besteende Restriktiounen stattfanne kënnen.

25.02.2021 Der Mensch und die Künstliche Intelligenz. Wo stehen wir? (DE) (SOLD OUT)

E Gespréich mam Prof. Christoph Schommer, Moderatioun Dr. Nora Schleich, Iwwersetzung op Englesch

22.04.2021 Mediepluralismus – Eng Garantie fir Demokratie am 21. Joerhonnert? (LU)

Eng Table-Ronde mam François Aulner, Pia Ooppel, Christoph Bumb a Jean-Louis Siweck, Moderatioun Josée Hansen

01.07.2021 Transmission of Information via Specific Media – Propagandistic Messages in Comics (EN)

E Virtrag vum Dr. Manuela di Franco, Iwwersetzung op Franséisch

30.09.2021 L'Éthique dans la société de l'Information (FR)

E Gespréich mam Prof. Lukas Sosoe, Moderatioun Ian de Toffoli, Iwwersetzung op Englesch

02.12.2021 Artistesch Fräiheet a Meenungsfräiheet (LU)

Eng Table-Ronde mam Justine Blau, Dr. Cédric Kayer, Filip Markiewicz an Anne Simon. Moderatioun Dr. Nora Schleich

Well d'Plaze reservéiert ginn, ass ee gebieden, sech ënnert folgender Adress bis jeeeweils Méindes virun all Konferenz unzemellen: reservation@bnl.etat.lu

Weider Informatiounen fannt Dir op den Internetsiten : bnl.lu an unesco.lu.